

## **KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24 i 39/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 35. sjednici održanoj 09.12.2024. godine, donijela je

### **Autentično tumačenje člana 77. stav (1) tačka a) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24)**

#### *Član 77.*

*„Pod članom uže porodice iz čl. 75. i 76. ovog Kolektivnog ugovora, podrazumijevaju se sljedeći članovi porodice radnika:*

*a) suprug (a) u braku ili van braka, ako žive u zajedničkom domaćinstvu;“*

Dio citirane odredbe člana 77. stav (1) tačka a) Kolektivnog ugovora „u zajedničkom domaćinstvu“ po pitanju ostvarivanja prava po osnovu člana uže porodice koji je supružnik van braka odnosi se na situaciju u kojoj se status vanbračnog života u zajedničkom domaćinstvu dokazuje prijavom prebivališta (CIPS), prijavom boravka – potvrda mjesne zajednice, kućnom listom i izjavom svjedoka.

**Odluka o autentičnom tumačenju člana 77. stav (1) tačka a) Kolektivnog ugovora je donesena na 35. sjednici Komisije održanoj 09.12.2024. godine jednoglasno konsenzusom.**

#### **ČLANOVI KOMISIJE**

**Abid Fejzić**, predstavnik Poslodavca

---

**Saudin Sivro**, predstavnik Sindikata

---

**Seada Mulaomerović**, predstavnik Poslodavca

---

**Envera Šukman**, predstavnik Sindikata

---

**KOMISIJA ZA TUMAČENJE KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I OBRAZOVANJA U  
KANTONU SARAJEVO**

**MINISTARSTVO ZA ODGOJ I OBRAZOVANJE KANTONA SARAJEVO**  
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBiH -  
KANTONALNI ODBOR KANTONA SARAJEVO**  
n/r predsjednika

**PREDMET:** Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24 – u daljem tekstu: Kolektivni ugovor) obratio se Sindikat, kao jedna od ugovornih strana, a vezano za molbu Sabine Džeko, sindikalne povjerenice u Javnoj ustanovi Osnovna škola „Musa Ćazim Ćatić“ Sarajevo, akt broj: 26/24 od 11.11.2024. godine koji se odnosi na tumačenje člana 77. stav (1) tačka a), a vezano za član 75. stav (1) Kolektivnog ugovora u dijelu utvrđivanja prava na naknadu za slučaj smrt člana uže porodice radnika (suprug van braka sa kojim je radnica živjela u zajedničkom domaćinstvu).

U vezi s navedenim, obavještavamo Vas da je Komisija na 35. sjednici održanoj 09.12.2024. godine, donijela autentično tumačenje člana 77. stav (1) tačka a) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za  
djelatnosti predškolskog odgoja i osnovnog  
odgoja i obrazovanja u Kantonu Sarajevo, s.r.**